

## 06 靠勢

楊詰希<sup>1</sup>

透早亂鐘仔一下霆，我就緊對眠床頂逃起來，因為今仔日是學校舉辦泅水比賽的日子，這是學校逐年上鬧熱的比賽，嘛是我上期待的活動。

我泅水的技術佢阮班是一粒一的，無論是掠篙泅、水雞泅攏考我袂倒，同學定定嘛呵咁我誠勢。這擺是畢業進前上尾一擺比賽，我當然愛把握展風神的機會，就用盡心機去揣游泳隊的同學敍做一組，按算欲提冠軍做紀念。

我和阮這組的同學約佢游泳池門口等，一下見面就嘻嘻嘩嘩講袂煞，老師催逐家緊去換衫閣吩咐講：「愛照起工做暖身運動，連鞭泅水才袂糾筋喔！」當當逐家咧做運動的時，我偷偷仔觀察別組的隊員，一下看就知影阮這組是上勇的。我想……這場比賽應該是桌頂拈柑，暖身運動清彩比兩下就好。

聽候老師的脣仔聲一下霆，比賽就正式開始。阮這組的同學真拚勢，起手就排頭名，我看別組的同學泅甲怦怦喘，恰阮這組愈離愈遠，我心內暗暗仔歡喜，這擺毋是在欖黃的，包穩第一名啦！

我是阮這組上尾个的選手，總算輪著我展功夫矣。我那泅就那聽著同學大聲喝：「加油、加油！著冠軍、提金牌，

光榮倒轉來。」同學喝甲遮大聲，我當然是下性命共速度催落去。

毋知是傷緊張抑是暖身運動做了無夠？泅到一半的時陣，正跤跤筋煞雄雄挽經，一肢跤活欲疼死。啊！我糾筋矣！我疼甲佢水底沐沐泅，閣予水喺一下無法度喝救命，感覺家己強欲淹死，只好雙手直直撲。老師看毋是勢，就趕緊共我救起來。我驚甲面仔青恂恂就大聲吼出來，同學攏從倚來關心我、安慰我。

呔會遮落氣咧？老師共我講：「做人毋通傷靠勢，若無，老戲嘛會跋落戲棚跤。」害我聽甲真歹勢，攏是因為我傷靠勢，毋但害家己糾筋，閣害阮這組的心血攏烏有去。對我這個泅水高手來講，雖然是見笑代，毋過我嘛學著教示，知影做人千萬毋通假勢，萬項代誌照起工做，才是成功的基本道理。

---

<sup>1</sup>楊詰(Thiat)希

## 10 海龜的悲歌

尤靜怡

曠闊的大海，除了海水，你感覺應該猶有啥物咧？是毋是真濟真濟的魚仔、海草和珊瑚咧？毋過人類去海邊仔耍，烏白共糞埽擲佇海沙埔，聽候海湧來的時陣，遮的塑膠矸仔、塑膠袋仔、軟管、鐵仔……五花十色的塑膠糞埽就攏予海湧掃入去大海，就按呢大海煞親像是一鼎濁濁的糞埽湯。

本底我是一隻平凡甲無法度閤較平凡的海龜，我佇中南美洲的海域大漢。這搭的日頭真燒烙，海水嘛足溫暖，照講逐工仔遮生活應該是不止仔快活才著，毋過環境的汙染閤加上後來的一層代誌，煞予我成做一隻全世界通人知的海龜。

自細漢我就生活佇海裡，毋捌塑膠類的糞埽，嘛毋知彼袂食得。大跤閤婧婧的塑膠袋仔，阮攏共當做是海蛇，喙開開就共欲落去。啥人知影，食落去就吐袂出來矣！塑膠袋仔一直佇胃內底，無法度通消化，害我不時都感覺腹肚滯滯，真正是痛苦無人知。

閤較悽慘的是，阮後來閤共一枝軟管當做是細尾魚仔，食落去了後，當我咧翻草的時陣，彼枝軟管煞撞入去我的鼻空內底，害我疼甲哀爸叫母。毋過敢有人聽會著我的哭

聲咧？我規暝規日疼袂煞，我干焦會當擰頭看天，拜託天公伯仔愛來救我。好佳哉！天公伯仔真靈聖。有一工我去予研究海龜的人掠著，個看著我的鼻空有物仔，就趕緊用夾仔欲替我共夾出來。咧夾的時陣實在是有夠疼的疼。我喙齒根咬咧，目屎直直津落來，鼻空血嘛綴咧流，尾仔總算是共軟管夾出來矣。個閤共我抹藥仔，等我較好了後，才共我放倒轉去大海。

我予人夾軟管的過程有拍做影片，閤鋪上網路。真濟人看了，心內真毋甘，才開始意識著塑膠軟管對海洋生物的危害，真濟有心的人嘛開始宣導毋通閤用塑膠軟管矣，閤有袂少人呼籲愛減用塑膠袋仔，毋通閤製造遐爾濟塑膠糞埽矣。聽著遮的代誌，我心內感覺真安慰。我向望我是全世界上尾一隻受害的海龜，嘛向望大海會當變甲清清氣氣，予阮會得通繼續快快樂樂生活佇海裡。